

十一頌帝王國主日昌四鎮安睦共革不揚

天人歌唱吉應來翔敷教濟濟感化揚

揚光庶稱慶文樂未央

十二頌蝗飛蠢動已生未生成蒙安全普得

生成皆見元氣受陽之形草木果林經

冬不零一切濟度靡不鮮榮與道合真

復爐

香官使者左右龍虎君侍香諸靈官當今日

朝元之所自然生金液丹碧芝英百靈聚真

文會在此香火爐前今日學道得道求仙得

仙齋主受福幽顯沾恩十方仙童玉女侍衛

香煙傳日向來所啓之誠速達徑御

太上无極大道至真玉皇上帝御前

出戶

靈寶領教濟度金書卷之六十六

靈寶領教濟度金書卷之六十七

洞微高士開光救苦真人審金真授

靈寶通玄以教水南先生林靈真編

科儀立成品淨供合用

大獻挽朝行道義

步虛 入戶

各禮師存念如法

宣衛靈呪

五星高耀 瑞氣飛浮 元始集神 天地交周

玉符寶印 嘯命微幽 擲火揚威 奸凶無留

萬魔振伏 紛葩却消 摧怪伐惡 道炁周流

神光照夜 陰翳俱收 萬神降格 扇景兼馳

群生咸遂 惠遍神州 與道合真

鳴法鼓二十四通

元上三天玄元始三炁太上道君召出身

中三五功曹左右官使者侍香金童傳言玉

女五帝直符直日香官各三十二人出出者

嚴裝關啓玄壇天帝神君當召此間土地里

域真官正神急上關啓臣今奉為入意以令

晚朝行道願得

王清道炁靈寶妙光下降流入臣等身中即

使玄壇清淨內外成真天無氛穢地絕祲塵

琳琅振響十方肅清萬魔不干真誠上徹今

臣所啓之誠速達徑御

太上无極大道至真玉皇上帝御前

請稱法位

具位臣姓某與臨壇官眾等謹同誠上啓

太上无極大道虛元自然元始天尊太上虛

皇玉宸大道君金闕玄元太上老君昊天玉

皇上帝十方已得道大聖眾至真諸君丈人

十方自然靈寶天尊隨機赴感太乙救苦天

尊三十六天帝君玉虛上帝玉帝太帝東華

南極西靈北真玄都玉京金闕七寶玄臺紫

微上宮靈寶至真明皇道君三十六部尊經

玄中大法師三界應感一切真靈臣聞道包

天地駭萬化以陸離人冥陰陽並三才而煥

赫明列樞衡於氏欽幽司機變於神靈教雨

數羅六合均承於靈籙神風鼓動八紘普仰

於裁成就非元始之網維實藉虛皇之宰制

稟生受命起死迴骸臣等綴武瑞壇承顏琅

塵膺肘後蒼虬之錄帝德天涵佩心前紫鳳
之章天恩日皎期運元而會道每宏教以度
人凡有皈投教忘關告況奉詞旨所合上聞

宣詞

接如詞旨備極衷情今齋主其以仁存心由
愛立性親六道之升沉元已與四生之淪墜
堪矜或御錄膺圖典司天政或躡鸞踏鳳游
戲仙關或稱善福祥乘權殺續或借刑監賞
佐理山川或責賤殊資錯居遐邇或富貧異
趣到處顯明或神墮沉聲推研水火或形居
園土考對陰陽或海腹針喉莫達鋪啜或吞
火食炭難際珍羞或帶角披毛受生悲苦或
合齒傳翼稟命恹惶或蠢動蚰飛或跂行蟻
息或胎卵濕化或鬼怪精靈或久關蒸嘗或
乍虧祭祀或新塋頽毀或舊塚陵夷或寄影
傳聲或倚木附草或林幽獨坐或麓際處行
凡茲六趣之往來總是一神之展轉享福緣
則生善道膺業報則墮惡鄉與禱主所度其
等願因普集之壇均赴無遠之會金書焯焯
玉簡昭回為消千劫之冤塵得遂一朝之勝

樂靈源澄湛蕩陰垢以熙熙香饌敷陳飲陽
華而藹蕪離英鍊質放粹豐容水辭厚地之
淒涼竟上高天之時奔珠星駕夜垂玉露之
零瀲壁月凝霄湛金波之泛映檀韻氤氳於
鳳鼎蘭膏瓊瑤於龍葬旅觀天顏晉朝宸御

願金雞之肆揭慶丹鳳之飛揚十地歡聲九
天喜氣以今落景行道請法眾等運茲初拾
上香歸身歸神歸命

大道巨等首體投地仰依

太上三尊願以是功德上祝

社稷尊靈宗祀先聖伏願棲神閭苑寧景崑
臺服霓裳羽衣乘六龍而遊戲奏鈞天廣樂
跨八駿以翔翔王業天長皇圖地久今故燒
香自歸依

師尊大聖眾至真之德得道之後昇入無形
和與道合真

身歸神歸命

以今落景行道請法眾等運茲二拾上香歸
大道巨等首體投地仰依

太上三尊願以是功德歸流禱主家億萬萬

祖歷劫種親伏願升神北鬱度品南丹惡根
毒根生死根水離步武業障報障煩惱障勿
滯形神垂裕曾玄流光眷序今故燒香自歸
依

師尊大聖眾至真之德得道之後昇入無形
和與道合真

以今落景行道請法眾等運茲三拾上香歸
身歸神歸命

大道巨等首體投地仰依

太上三尊願以是功德歸流範圍之內福圓
之中不盡幽靈無邊爽識垂願慈風不冒化

日融怡乾清坤倪永絕聲於夜哭陽郊陰甸
勿弔影於昏悲恪證東華永辭北朔今故燒
香自歸依

師尊大聖眾至真之德得道之後昇入無形
和與道合真

禮方

儀方

三啓

樂法以為妻 愛經如珠玉 持戒制六情
念道遺所欲 淡泊正蒸侍 蕭然神靜默

天魔並敬護 世世享大福

又

驚驚家國盛 濟濟經道興 天人同其願
縹緲入大衆 因心立福田 靡靡法輪升
七祖生天堂 我身白日騰

又

大道洞玄虛 有念無不契 鍊質入仙真
遂成金剛體 超度三界難 地獄五苦解
悉歸太上經 靜念稽首禮

三禮

等志心稽首禮

太上无極大道

等志心稽首禮

三十六部尊經

等志心稽首禮

玄中大法師

重稱法位

具位臣姓某等謹同誠上啓

太上无極大道无始天尊太上大道君太上
老君高上玉皇十方自然靈寶天尊隨機赴

感太乙救苦天尊三十六部尊經玄中大法
師天師君上相上宰四司五帝三界內外應
感真靈巨開化敷劫份散甘雨於九圓教衍
鬱羅布慶雲於八極萬範開張而流演五常
回度以彌羅碧落空歌夜聲被履陽之照紫
虛鬱秀寒庭吹暖律之和欲施提拯之功重
藉慈悲之力今齋主某齋心一辦潔已三趨
期携苦惱之魂盡度清虛之界猶慮爰從无
始迨至有終昧性玉而背靈天顛冥三毒棄
心珠而戕覺地造作七情不思利己以妨人
惟欲徇名而棄實是非海闊混狂聖而弗知
人我山高澗智慧而罔悟殺盜淫迷其踐履
貪嗔癡恣其躬行二豎潛攻倏歸長夜三彭
構孽即返重泉嗟八識以何之恍百神而奚
寓往來六道流浪四生未能度品於陰單何
以登真於陽混以今轉經行道首過祈恩願
敷汪濊之恩為割溟濛之累形骸清淨儼服
御以雲行飲饌參芳備殺羞而兩潤灌鍊華
池之港陶銘流火之炎飛煥玄恩期脫生根
之遊宴超離黑苦永除死蒂以道遙蒙聽敷

陳允臻函育齋主某福襟忱美德履沖和步
武日昇來門庭之喜氣精神天賦毓院宇之
祥光陰績昭昭陽功濟濟上願五靈胤粹二
景流華三光全而寒暑平物無疵癘五穀熟
而人民育家有預祥山川鬼神之攸寧鳥獸
魚鱉之咸若天无氛穢地絕秋塵則上明
天尊大慈之化下副臣等皈嚮之誠謹啓以
聞

十願

- 一願大道流行普天懷德
- 二願一切有生咸皆悟道
- 三願九夜悲魂一時解脫
- 四願孤魂無依咸得受生
- 五願天下太平五穀豐熟
- 六願臣忠于孝君仁父慈
- 七願四海會同寃親和釋
- 八願潛胞處卵咸得生成
- 九願積疾新痾旋即痊愈
- 十願孤露衆生豐衣足食

復爐

香官使者左右龍虎君侍香諸靈官當今日
朝元之所自然生金液丹碧芝英百靈眾真
交會在此香火爐前今日學道得道求仙得
仙齋王受福顯沾恩十方仙童玉女侍衛
香煙傳日向來所啓之誠速達徑御
太上元極大道至真玉皇上帝御前

出戶

靈寶領教濟度金書卷之六十七

靈寶領教濟度金書卷之六十八

發七

洞微高士開光救苦真人壽金真授

靈寶通玄弘教水南先生林靈真編

科儀立成品淨供 合用

大獻謝恩醮儀

燒香頌

各禮師存念知法

宣衛靈呪

東方

九炁青天 明星大神 煥照東鄉 洞映九門
轉燭陽光 掃穢除氛 開明童子 號曰玄卿
備衛我軒 上對帝君 收魔束袂 討捕兜羣
奉承正道 赤書玉文 九天符命 攝龍驛傳
普天安鎮 我得飛仙

南方

三炁丹天 煥景流光 榮皇轉燭 洞照太陽
上有赤精 合契虛皇 開明童子 號曰華芳
總御火兵 備守玉堂 斬邪束袂 剪截魔王
北帝所承 風火衝當 流鈴交煥 翊衛壇場
正炁流行 敢有猖狂 我享上功 坐運魁罡

億劫長存 保天無疆

西方

七炁素天 太白流精 光耀金門 洞朗太冥
中有素皇 號曰帝靈 保神安鎮 衛我身形
斷絕邪源 王道正明 宮殿整肅 三景齊并
道合自然 飛昇紫庭 靈寶符命 普衛萬生
元皇正炁 來合我身 功加一切 天地咸寧

北方

北方玄天 五炁徘徊 辰星轉燭 洞煥太微
黑雲尊神 號曰層威 統冠飛天 仙裾羽衣
備守五門 檢精捕非 敢有干試 豁落斬摧
玉符所告 神真八威 邪門閉塞 正道流輝
三光映照 我身無衰 策空駕浮 舉形仙飛

中央

黃炁中央 調理乾坤 陶鎔陰陽 總統玄真
鎮星吐輝 流耀九星 開明童子 號曰天璘
陽炁醜上 朱煥炎精 洞照內外 運我身形
百邪摧落 攝役鬼靈 中山神呪 普天使聞
五靈安鎮 身飛上清
鳴法鼓二十四通